

docriver 文川网
入驻商家 古籍书城
在文川网搜索古籍书城 获取更多电子书

中國方志叢書·華北地方·第二七八號


據

清·彭美修，龍文彬纂修
清·同治十一年刊本

影印

河北省

武邑縣志



成文出版社印行



10106162

中國方志叢書·華北地方·第七八號

據

清·彭美修，龍文彬纂修
清·同治十一年刊本

影印

河北省

武邑縣志



叢書

54.66/10

成文出版社印行



10106163

中華民國五十八年 月壹一版

武邑縣志

全二册

定價：

發行人：**黃成助**

臺北郵政信箱二二六〇五號

出版者：**成文出版社**

臺北郵政信箱二二六〇五號
永和鎮永和路一段一號 巷12弄14號
電話：九二二〇一〇號

印刷者：**東南印製廠有限公司**

和平西路一段70巷83弄29號



內政部登記證內版臺業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

重脩武邑縣志序

周官大司徒掌土地之圖與人民
之數辨五地之物生而相其宜必
申之以保息奉佐之利進之以德
行道藝之書下至州長縣師胥
奉此以敷政而宜及其時掌邦

國之志有小史掌四方之志有外
史得失利病皆書之冊以貢諫天
子志之興治相表裏由來尚矣後
代郡縣志皆率小史外史之類而
世每謂志一邑難于治一邑然不圖
知一邑之土田財賦戶口風俗何以慎

封守而遂或生不用知一邑之往訓
哲之與夫因革損益之故何以宣
風教而正或志治莫大於教養志
也者著是邦教養之宜與良有
司教養之善否而懸後起之的
鵠也治而不存談志其為治也

欲無失之閩且戾焉者鮮矣同
治十年春美由刑部改外承之武
邑明年奉大府飭屬備志之
檄以備通志之採擇因共邑之
賢士大夫網羅探討參互稽核
草創既具郵寄京都求吾友

銓部龍君文彬為之釐正發凡
酌例補闕訂訛先後五閱月而
告竣竊謂志難于治志武邑尤難
於他邑他邑之志數十年一脩百年
一脩前有依據後有考証纂集
左易為力武邑自漢置縣歷二千

八百禩志察瀨如至剛萬歷庚
寅王君學易始撰又百年為
國朝康熙甲戌許君維樞續脩
其間滄桑迭更疇隔遼邈率
畧相仍不能犁然具備者勢
也雖代遠年湮未嘗不幸賴

此千百什一之存而缺訛則已多
矣今距其時百七十有九年事
實日積文牘難徵兵燹屢經卷
冊殘毀零碑斷碣埋沒于蔓草
荒煙中者不知凡幾父老鮮能
通其詳秘佚無從証其惑蒐

討之艱視草創何如識者合舊
志參觀嘗有以信難于志他邑
之言為非謬也然而諉其難終
無與賡而續之隨埴索塗愈
失愈遠能無為素者慮乎美智
淺學燕下車以來夙夜惕々

懼無以改教養之責每月于院
督課磨切後者講求弗倦今
重二稔士習交風之移易究
何如哉美之於治未能有心慙
厥心況其所以為志者編輯于
萬難之餘敢謂信今而傳後

邱然矜慎公審恆道體制區
之心竊可共白乎曰非知之
艱行之維艱美頤鏡古自厲
蘄無悖于因官教養之旨庶
幾免乎闇且戾之譏至於漏
篆闕文時見於篇深望後之

君子鍾事而補救之也同治十一年仲冬月知武邑縣事安福
彭美撰并書



序

地志昉於禹貢詳於職方自漢以來孟堅之地理吉甫之郡縣樂史之寰宇王存之九域宏製鉅典代積彌廣而後世郡縣亦各有編纂以為徵文考獻之資邱瓊山謂世

docsriver 文川网
入驻商家 古籍书城

在文川网搜索古籍书城 获取更多电子书

有千載不刊之書無百年不修之志蓋其重也使曠代莫舉不惟無以綜核故實而所謂課農桑敦教化諸大政將茫乎其無措志之關於吏治也豈細故哉吾武邑舊志修於

國朝康熙時多草創缺略未備越
今百八十年未有起而議修者事
增於前文闕於後屢經戎馬躑躅
圖書灰燼欲從帙散簡佚之餘重
加纂輯其體則因其功不倍艱於
創哉同治十年春彭侯美以名進


士出宰茲土甫下車以舉行團練
廣厲書院為急務本易直子諒之
心達精勤明敏之政德理敷壘士
愜民和已而大府奏修畿輔通志
檄各郡縣纂修志乘以備採錄侯
乃禮延名宿開局授簡遠搜秘佚

旁採聽覩務期典核精詳體制嚴
簡稿成諸父老攜至京都問序於
香披閱再三見本末源流燦如秩
如正舊志舛訛之失無附會假借
之陋康之武功陸之靈壽其能專
美於前耶侯雲騫星煥功用方興

而吾邑首被撫摩是編之成亦足以見勤求治理之一端矣舉數千百年之因革損益懿訓卓行臚列簡冊瞭如指掌後之覽者因是而求其所以為政其為利於吾邑詎有既極哉香雖不獲與其役樂觀

典章之完備足備輶軒之採而為
美風善俗者之一助也因援筆而
僭敘其端

同治十一年壬申冬月鴻臚寺正
卿邑人楊書香撰



舊志序

志識也所以稽古傳後也其法寔備於成周職方氏漢唐而下代有地理志我聖祖馭宇握乾萬方職貢有一統志兩京諸省有通志郡邑有境內之志不出戶庭而用天下之物者恃此也志之爲義大矣哉不佞已丑歲承乏茲土季夏渡河而西驅車入境歷馬回臺踰觀津憑軾西顧隱隱隆隆突出一高阜御僕曰此漢朝竇氏青山也竊計名區古蹟風氣鬱蒼人物醇厚必有志乘以識其勝下車未幾詢及左右左右未知詢及耆庶耆庶未知詢及士大

夫士大夫曰噫嘻武邑無志久矣間有欲修者屢作屢輟
未果也不佞慨然久之因矢志纂集每值公餘百方搜索
考諸典籍采諸草野質諸縉紳積少成多敦延廣文黃君
試屬以總理協以學博王君有臣左君逢源庠髦李養正
輩參酌筆削編摩考訂再閱月而藁成首分野次沿革以
及食貨職官典禮選舉人物宮室雜志藝文目凡有十大
文地理古今名物民風土俗廢興因革犁然粗備後之宜
茲土生茲土者觀風問治不庶幾歷歷可考耶顧事莫難
於創始美則待於續成茲舉也採摭於往昔者漏遺實多

掇拾於見聞者疑信相襲博雅君子後必有起而續之者
若以是爲一邑之完書用傳永永則吾豈敢萬歷十八年
仲秋知武邑縣事渤海王學易撰

志者史之流也周禮小史掌邦國之志謂諸侯國誌止於
奠繫世辨昭穆而已外史掌四方之志謂郡國之記則郡
邑志所由昉也辛未仲春余蒞任武邑披閱邑乘乃萬歷
十八年王君所撰多闕焉未備距今百有餘歲宜補者
多嗣得安生袁龍續稿一編公餘之暇及巡歷所經廣詢
博考增爲續志邑紳翟君國桓從惠通舊志爲一書廣募

以刻之其用意良深遠矣夫劉向列女傳得皇甫謐後傳而龐娥親姜敘母之事益奇劉歆漢紀得葛洪西京紀而梁園賦盛覽書之傳益著萬震南州志得魏完南中志而食鐵獸食毒鹿之類益詳此後志與前志相爲輝映也唐蒙博物記至張華博物志而靈異之蹟以詳譙周巴蜀志至常璩華陽國志而士女之倫以備趙抃成都紀至楊慎四川總志而金石之文以顯此合志與分志尤爲該備也然則求其舊亦圖其新始乎分亦卒乎合非作志者所當務乎余不敏從事於茲凡四年而告成蓋其難哉志天文

以備仰觀志地理以當俯察志賦役以徵物力志職官以
表聯常志典禮以端風化志選舉以尙賢能志人物以取
德才志解字以著創修志藝文以觀制作而一邑之典章
文物畧備於斯矣不敢炫博矜竒而考其實闕其疑以成
一邑之完書俾觀覽者知勸戒焉翟君輩相與有成因述
其概梗而弁於簡端康熙甲戌知武邑縣事武進許維樞
撰

docsriver 文川网
入驻商家 古籍书城

在文川网搜索古籍书城 获取更多电子书

重脩武邑縣志

總脩

同知銜武邑縣知縣安福彭 美

纂訂

吏部考功司主事永新龍文彬

分纂

候補教授完縣訓導袁 珣

參閱

武邑教諭定州楊 灝